

**Maki Nasumo Naña**  
**PITA**  
**Siriyuia**  
**Visayuena Na Tusi Nene**

*Suniena plas na tusi nini*

Maki p̄esa kiena Pita, siria pan la naña amlelaga rui, naña naga pio la sape yeririna lala kiena Ntewa, naña naga ga pisirplan la. La naña asu tetai asike sane wolawa lala e provens makega e yo nene naña nagane tepio sape purvanua naña Teki. Sitomena keviu na m̄aki nini, vena visirluaen sitomena kiena li nalelagaena la naña yaru la asum̄a akila ke m̄arera manene panila paṗisi, kila la aṃal ke m̄arera panila paṗisi komin naña amlelaga e Yesu Kristo. Naga pisa panila sape monar asitoṃal lologena wo nene, naña Yesu Kristo maren ita, a mal sina, a yoko naga wasuṗe si vitomi sina vena were kiena yeririna lala. Sitomena nene kilia iila ita vena tesuṃalu m̄arera, a kieta lelagaena la kilia m̄arera suṃa e Yesu Kristo.

Komin suri ne nanene, pogos naña atol pog m̄arera, a yaru la akila suri m̄arera la panila, akilia asum̄alu m̄arera, kiela sitomena taṗatete loru, pe suri korena ga naña yaru la akila piowa manene panila. Visae akila sanene, yoko kila meraravan naña la amlelaga kemua e Yesu, a yoko atol suri wo la naña Ntewa miligan ruru

sike mae peni, sape ve kiena kiena yeririna lala, e legiena naþa yoko Yesu Kristo vitom m̃alivi ea.

Amio visena nene na visirplanen kiela sitomena lala, naga pisi m̃arera m̃enaga panila, sape monar akila kiela maliena la mesmesu ruruia, komin naþa ape yaru lala kiena ne Kristo.

*Komþasnen tusi la na nini*

Visena þesa 1:1-2

Mrapa kiena Ntewa naþa tamalia kiena yeririna lala 1:3-12

Maliena kiena li nalelagaena lala monar ve wa 1:13—2:10

Yumaena kiena li nalelagaena lala pogos naþa asike e nalogeviowaena 2:11—4:19

Sitomena kiena yaru na lelagaena monar vito ga tano 5:1-11

Visena na maro 5:12-14

*Visena na sumo*

<sup>1</sup> Erau lala, inu Pita nevisa pokolulagi a pokolemalo e kia kiena Yesu Kristo, naþa in na nepe kiena nalogena.

Maki nini piñasu pan amiu yeririna kiena ne Ntewa lala, naþa nanua asike gar kiamiu yo Yerusalem, ana añene plan amiu, nagane kam na ape wolawa ga naþa asike e pupia lepas la naþa, Pontas, Kalesia, Kapatosa, Esia, amio Pitinia. <sup>2</sup> Amloge piowagania, ana sineun nesape nevisawal van amiu, Ntewa armata naga kilia make mrapa na kiamiu malena nanua nanua rui. Naga mligan plan amiu nanua rui, ana Ninuna miyumaẽ ke e amiu, amlogear Yesu

Kristo, amla e kiamiu malena, kana kuruta kevan amiu amekiki, apim ape kiena yar wa lala.

Kiau leniena nesape yoko naga ligan kiena lemamiena a sum̃are vena sum̃a iila amiu silaga.

*Natamaliaena naṽa nalelagaena la atolia*

<sup>3</sup> Popon tesitom̃al sanape naṽa Ntewa Armanane kieta Suṽe Yesu Kristo, naga kilali po pan ita wa. Temieluar naga paṽisi, komin sinen miye ita laa, kila ita tepim tepaeme tepe urviu si e mratava puna. Sa naṽa naga kila narina Yesu Kristo mal si e marena, tekilia naṽa suri naṽa sike vamon ita, pe maren re si poli ana malena naṽa ve uro re. <sup>4</sup> Naga sane lalimana ne Ntewa naṽa po naṽa yoko tetol sirau. Naga kila ruru rui, mligan sike ma meta e peni, yoko taṽatete menun, a taṽatete viowa, taṽatete si kovio pog tai. <sup>5</sup> Sur nene pe tetol re poli wa, ana temlelaga tesape yoko nam̃areraena kiena ne Ntewa suwo ruru ita nenaga, uarar ruru ita sum̃a vano-o tol legiena maro. Ana e pogos nene, yoko naga kilologia natamalia itaena e maran yar taṽena lala.

<sup>6</sup> Nekilia nesape nanagane, asum̃a aṽar nau-rmiena na loge viowaena e nakilaliena la naṽa asum̃a atol ke ne. Pona yoko sum̃a ga sanene yo e pogos laṽas naṽa pimi ke na wa, ana e sitomen la ne nepisa ṽisi ne, popon kila amiu akekara, sinemiu la loge wo sina. <sup>7</sup> Sur na kilalien la nene, apimin ga naṽa kila kiamiu naviawaena sum̃al laa sane, imi m̃arera ruruia. Nanene naga sa naṽa kol naṽa visae sinelan asape ikik ruru wo, monar askap plan kororak la naṽa sike ea,

pona omlelege kiai okaweruruia imi mesmesu, ana ita mēna ga sa ke ga. Nakilaliena la naḡa tetol ke ne, sane kap tai naḡa kekanvan ke kieta naviawaena vena imi merarava ruruia, a mārera ruruia. Visae pogos naḡa Yesu Kristo imi sina, naga lual kieta naviawaen ekik ruru sanene, ana yoko ita make ga tekekekara, tekilia tevisu ruru ita, teloge wo vaḡisi.

<sup>8</sup> Nesuḡa nepisayu ke Yesu sa nene, nesitoḡal si nanua sumo nesike nemio naga, nekilia ruru naga, kam na peraga. Lelaga naḡa nanua kam na pe amio re naga poli, ana pe sur koren ga, nagane na kam na akekan paḡisi, a pe apisuli re naga e kilamaramiu poli, ana asuḡa amlelaga ruru ke mārera e naga, sinemiu la kekan e pupia kekarena ta ne keviu paḡisi, naḡa pe atorokin re avisa meraravan poli. <sup>9</sup> Kiamiu kekarena nene, pe kiamiu mras nen nalelagaen wo tai naḡa akilia akan nagane, ana pe naga re ga nene poli, komin amio mēna, e pogos la ne pimi ke ne, yoko akan tai naḡa kiki laa sane, nane natamaliaen kiamiu malena.

<sup>10</sup> Sur nene naḡa tepisayuia, sa naḡa natamaliaen malena ken yaru, naga sur tai naḡa navisawalen nasumo la aḡion kiliaen paḡisi. Akilia ruru navisaarena kiena ne Ntewa po, naḡa sape yoko naga sinen ye kiena yeririna lala, yoko tamalia la, ana asuḡa apisawal ke sanene.

<sup>11</sup> Apisa ke sanene, ana pe akilia meraravan re asape yoko naga kila ve sanape poli, pona yoko kila pogwai. Amloge ga naḡa Ninuna Navisaarena suḡa kipian la ke sape yoko akila kare ḡesan naga, siraunia, navisa ruruena lala

imi m̃alm̃aliv, ana amninue asape Navisaarena naga yar na sanape, pona naga ai. <sup>12</sup> Sumo na asitom asape naga yerkawa yar ga tai na kiela pogos ne, ana siraunia, apisu kilale ga na wa asape sur la naṣa apisa ke ne, pe e re e kiela pogos poli, a e kieta pogos la ne pimi ke sirau. Ana kam m̃ena apisu kilale asape suri la naṣa navisawalena la apisawal nanua sumo, nane apim ape lelaga e visena kiena lologena wo naṣa memlologon ke pan amiu e nam̃areraen kiena ne Ninuna Wa nae ma e peni rui.

A pe navisawalen re ga la poli, ana navisi m̃ena lala sinelan asape akilia sur la nene, ana peraga, pe kiela re naṣa akilia poli. Sur la nene am̃alivi ga yo metava e kieta pog na wa.

### *Monar ove yar wa ruruia*

<sup>13</sup> Ana pogos naṣa Yesu Kristo pitomi m̃aliv e yomarava e nena e kieta pogosa, ita ke narui monar tekila ruru kieta sitomena vena tom̃areran ruru naṣa tekila kiena yuñaena. Monar takawe ruru kieta malena, a ve tesitom re yomarava nini, a monar tesitom̃al ga navisa ruruena wo naṣa yoko towaria pogos naṣa yoko Yesu vitom warpo si yo e yomarava nini. <sup>14</sup> Yoko monar teim teve sa sisi wo la naṣa asuṃa amlogear ruru ke armala, a nasinenanen viowa na wowe lala, pe pon re si tetam̃an ave suṣen kieta malena poli, sa nanua sumo e pogos naṣa pe tekilia re sur tai poli.

<sup>15</sup> Armata, naga ke narui naga pio ita, ana monar tekilia tesape naga naṣa sinenan sape teim lavisinia, naga pe wa paṣisi, ana ita m̃ena

monar teve wa ruru e mrapa make ga na kieta malena. <sup>16</sup> Visen kiena ne Ntewa tai teke e kiena navisaluaena marua, pisa sanene rui sape

*“In na nepe wa, kam m̃ena monar ave wa.” Lev 11:44,45*

<sup>17</sup> A sur si tai, yam mokliu naña tesuñã tepio Armata vena iila ita, ana monar tevisu kilale tevisave naga suñã pisuveve ruru yaru lala mesmesu ga e kiela yuñãena la peve taaga, ana teyaloro e yomarava nini monar kieta sitomen vatanonia, temaraunia. Naga mligan ita tesike e yo nini yam plas ga sane ita tepe wolawa ga ea, ana monar tesitom tevisave siraunia, yoko teva tesuñal nena tesu e marana.

<sup>18</sup> Nanua sumo, kieta li marua lala pe akilia re Ntewa poli, ana akiakian lelein ñã kiela malena na yemalolo pitomi pitomi tol pogos naña Yesu Kristo pimi ãerelua ita petania. A sa naña akilia, naga kila sanene, pe pul plan ita re e sur na yomerava sane kilavaru poli pona kol pona ya si naña sane yoko kovio pogos tai. <sup>19</sup> Peraga, naga pul plan ita e kana kuruta nena napo, komin naga tañan kiena malena kus leleta, naga tañan naga sane narin sipsip tai naña pe narin maran sur tai pe to re e poli, vena kilaen kuãããena ea.

<sup>20</sup> Ntewa kilalua Yesu vena tamalia itaena sanene nanua rui. Nanua e pogos naña si yomarava, ana ãuarar narina nene suñã amio pano tol pogos naña sinen miye ita keviu, narui kila naga pitomi ñaliv ga na wa e legien maro la nini. <sup>21</sup> Naga pitomi ñalivi, naga pike mrapa pan ita na vaen si puna ne Ntewa po pañisi. A pogos naña toñal naña Ntewa kila malia

si naga, mligan sike amio naga ma e kiena naurarena, toþar sitomena naþa tesape, Ntewa ne nanene narui, popon telelaga vania, teviawa ea, towasinea.

<sup>22</sup> Siar e nene narui, amlelaga e visena lelaga kiena ne Ntewa, a kiamiu malena la mesmes ruru po, a asitom manene laa kiamiu erau taþena lala. Ana ve akilakila re ga, monar añareran li naþa akekaran amiu e sinemiu lala ve keviu manenea.

<sup>23</sup> Apaeme apim ape urviu sina, atol malena viu rui, ana nanene na pe sa re naþa mãmã la aþar sisi poli. Kieta malena viu nene naga pimi þarpo ga yo e visena kiena ne Ntewa, pe visena mali, a visena naþa taþatete kovio pogos tai.

<sup>24</sup> Malena kien yar taþatete su ve piavi, komin kapur ruru po sane maki, kilia imi wo vaþisi sane meme, ana siraunia mak nene kilia mano, ana meme kilia loru. <sup>25</sup> Ana sur taaga naþa sike sike lue, nane visena kiena Suþe.

Ana visena ne nane, mesumã memlologon ke pan amiu siar nanua rui pimi tol þane.

## 2

<sup>1</sup> Ana komin naþa lologena wo tol amiu rui, monar aligan þelaga viowa lala. Nasinekareena lala, visokanen lala, namlamulen wanen viowa lala, vielueen lala, a navis viowaena lala, þelaga la ne sanene monar awar plan vetan kiamiu malena.

<sup>2</sup> Sa naþa sisi tomtom la sinelan manene munen mala yu vena amal ea, kam mnea monar añareran naþa atol kamiu kinanena a

namunena wo naþa kilia kila ninumi kapur imi marua ruru, torokin þelaga kien yeririna la naþa Ntewa tamalia la. <sup>3</sup> Akan li kinanena kana Suþe rui, a visae akan kiki, popon akan lue ga, mēþemi ulen silaga.

*Yesu naga pe purþes nen kilavaru na þeren yuþa naþa mali*

<sup>4</sup> Ntewa sinena sape visirlua yuþa wa tai, ana naga pisaar kilavaru na þeren yuþa tai naþa mali, naþa pisu po paþisi, nane Yesu. Yar taþena laþasa yepel mavinia, akovenlua, ana ita tesitom naga paþisi, tetavevea. <sup>5</sup> Ana Ntewa þere ita, pisirlua ita tesu meta e kilavaru nena, naga pran kolkol ita sane kilavaru mali lala na mþana yuþa nena. Naga pisu ita sane kiena þegas nen yar wa na yuþaena lala, naþa tekilia towar kuþaþaena nowo vania naþa naga kekaran la, naþa towar vania komin ga yuþaena naþa Yesu Kristo kila rui. <sup>6</sup> Sa ga visena tai naþa sike e tus kiena yermarua navisawalen Aisea rui, naþa Ntewa sape:

*“Apisu kilale rui pona pere wa? In na nepisaar kilavaru wo na þeren mþau yuþa tai rui, naþa nekekaran paþisi. Yoko nevisirlua nena se kiau kumali wa naþa Saeon.*

*Yaru ai naþa visirlua kien malena se ea, taþatete nena loru vito viowa pog tai.” Ais 28:16*

<sup>7</sup> Ana ita naþa temlelaga e kilavaru nene, tesape kieta visuena po na po, ana laþasa pe sinelan re poli, akovenlua ga pano. Ana visen taþena mþena kiena ne Ntewa e lepas nene sike e Tus na Yauena lala, naþa sape:



*“Pe sur koren naþa yar na yuñāenen yuñā asape  
kilavaru nene piowa ga, akovenlua,  
ana in na nemla kilavaru nena, nekila naga  
pe kilavaru na þeren m̃au yuñā wa nena  
napo.”* *Ais 8:14*

<sup>8</sup> A e ke sina e Tusi kiena Aisea, visen kiena ne Ntewa tai pisayu ke kilavaru nene wa, pisa sanini, sape:

*“Kilavaru nene, yoko yar ve mok naþa lala tau ea,  
kila ayal wowe.*

*Naga pe kilavaru tai naþa yoko kila yeririna na  
yomarava nini aloloru.”* *Ais 8:14*

Visae teviun tevisave ya ne kila amlolor sanene, naga komin ga naþa pe amlogear re visena lelaga naþa amloge poli, yoko akekapil make atotano e lele na kovioena naþa su ruru sike pa rui ve kiela.

<sup>9</sup> Ana e ita pe sa re nene po, ita tepe þegas taaga naþa Ntewa pisirlua, ita tepe li na þarwa lala vena ve suþenen kiena yo, ita tesike loyuma e kiena purvanua wa, ita tepe yeririna na mratava nena puna lala. Ita ke narui tepe yeririna na yeluaren naga vena visawalen kiena sinewo naþa kila pan ita, naþa þere plan ita petan yemalolo, mligan ita tesike e kiena yomerarava napo. <sup>10</sup> Nanua sumo ita tepe yeririna kar ga lala, ana nagane tepim tepe þegas kiena ne Ntewa taaga. Nanua sumo pe tetol re kiena sineyeena poli, ana nagane kiena sineyeena pulen ga kieta malena.

<sup>11</sup> Erau lala, visae ve sanene, popon avisu kilale naþa yomarava nini pe m̃ata uñā re

napo poli. Sa ga tepe yar taþena ga lala, tepe sane wolawa ga, ana monar teligan þelaga nasinenanen nakilaen mlamulen viowa lala na yomerava nini, komin kiena napiowaena lala ape nasinekar nena na ninuta. <sup>12</sup> Sila ga tesike likan la naþa yepel mavin lelagaena, akawe ita silaga, a pogos naþa tesike e marala, kieta malena monar wo na wo. Visae ve sanene, yoko akilia avisu kilale ya naþa tesuþa tekila ke ne naga po na po, ana visae la mþena alelaga, yoko ita make ga temio la teieluar Ntewa e pogos naþa yoko imi mþalivin ita sina.

*Pelaga wo kiena li nalelagaena lala pogos naþa asike e yomarava*

<sup>13</sup> Sa naþa tepe li nalelagaena kiena Suþe rui, kieta þelaga naþa tesike e yomarava nini monar torokin ga kiena kia naþa tesuþa temlologonia. Li nalelagaena lala monar avatanon yerkawa la naþa apisir plan la vena visuaren yeririna lala. Suþe la yo, pona yerkawa kerkeviu lala, <sup>14</sup> pona þarin suþe keviu la, ana monar tevisu kilale la sane Ntewa ke narui naga mligan e limala vena liþereen yar lala, vena laen nakoan va naþa pe memes re poli, a vena yeluaren naþa kila yuþaena wo. <sup>15</sup> Ntewa sinenan sape kiena yeririna la monar ayuþae wo, komin naþa visae akila mþa sanene silaga, yoko yar la naþa pe akilia re sur po, naþa asuþa akoven ke ga visen kar lala kawe ita, yoko taþatete avisa si sur tai. <sup>16</sup> E lepas tai, lelaga sane tekilia tekila ga ya naþa sinetania, a e lepas komþasa, yar naþa mlelaga naga pe sitom manene re sanene

po. Pona naga sitom ke sape visa ve sa nini yo, visave Ke, sur nene sike ga e in nañane, nekilia nekila ga suri viowa ya naña sineunia. Ana pe sa re nena nene poli p̄isa, komin monar tevisu kilale tevisave ita la naña temlelaga tepe yar na yuñnaena kiena ne Ntewa, ana monar tekila ya naña naga sinenania. <sup>17</sup> Li nalelagaena lala monar avatanon yar tañena lala, monar akekaran manene wenla tañena lala amio vinela tañena lala e namratava puna ne Ntewa. Monar amaraun Ntewa, avatanonia, a monar avatanon m̄ena kiela suñe lala.

<sup>18</sup> E p̄egas nen li nalelagaena lala, lañasa ape kiena ne yerkaŋa lala, naña ayuñnae korena ga van la. A kiela yerkaŋa lala, lañasa apowo pañisi, a lañasa añañara pañisi, ana pe sur koren ga naña yerkaŋa naga po pona piowa ga sanene, ana yar na kiena yuñnaena monar vatanon ruruia.

<sup>19</sup> Pogos la p̄asa, pona yar na yuñnaena miyuñnae pogaga yo, ana kiena suñe kilia sinen karkare vañisi, kilia viowa lue ga vania. Yar nene yoko loġe viowagan p̄elaga kiena ne kiena suñe naña pe mesmes re poli, ana po pañisi visae torokin tañan ga ve sa nene, naña e kiena sitomena p̄asine ga Ntewa, ana yoko loġe kilale naña Ntewa sike amio vena iilaena.

<sup>20</sup> Ana visae yar na yuñnaena kila sur viowa ve moki, pona yoko kiena yerkaŋa monar visave ala nakoena vania. Ana visae pogos naña ala nakoena van yar nene, naga va ruru ga teke na, yoko ve tevisa re tevisave naga pa ruruia komin

naga pe yar wo tai, ana tekilia tevisave naga pe pis re poli komin pisu kilale kiena napiowaena.

Ana visae okila ga sur wo la sa naña Ntewa sinenania, asuñalu sinela kar ko, ala nakoena mñarera tai van ko, ana ova ruru ko ga, ñelaga wo ke narui naña Ntewa sinenania.

<sup>21</sup> Sur nene naña yar wo loge viowa ga naña akila piowa pania, naga pe lepas nen kieta malena tai naña Kristo pio itania, komin sa kemua nene pan naga sumo rui. Pe kila re sur tai poli, ana akila naga mloge piowa manene laa, ana naga tamñan ga, vanon ita. Ana sa ke ga mrapa naña kieta Suñe mial kome nanua sumo rui, monar teyal ga e lelen lana tetaveve tevano.

<sup>22</sup> Visena Wa marua pisayu naga sumo rui, naña pisa sanini, sape

*“Naga pe kila re nena mlamulen viowa pogos tai poli,*

*visena na visokanena pe kate li re e gona poli.”*

*Ais 53:9*

<sup>23</sup> A sa ke ga naña tekilia mñaga, pogos naña akuan visen viowa la pania, pe pisamaran re si poli, a pogos naña añe kare yepen lala, pe pisa re nena sur tai pan la. Pa ruru ga mon mñaga, mligan sur make ga sike ga e limana ne Ntewa Arimana naña kiena naliñereen lala mesmes make ga.

<sup>24</sup> Pogos naña Yesu telan mñeke e lak torovia, nakoena na kieta mlamulen viowa make ga mloru e tasnena, a kiena marena kila naña ñelaga na mlamulen viowa mare petan ita, ana kila ñelaga na kilaen mesmesu mal sumña e kieta

malena. Lelaga, kiena yepe lalaea lala kila kieta yepe lalaea lala pimi po nenaga.

<sup>25</sup> Sumo, tesuñña temyal wowe sane sipsip la naña akila pal kiela mrapa, ana nagane yar na visuaren sipsip mñal ita si rui, nagane tepim tesu ruru tesike temio naga naña pe yaru navisuarena kieta malena.

### 3

#### *La naña atalopa rui monar avatanon wola lala*

<sup>1</sup> Sa naña ita la naña temlelaga monar tevatanon pñarin suñe na purvanua, ita naña tetalopa monar tevatanon mñena wota lala.

Nevis pñesan van amiu kam sira lala, nesape monar avatanon ruru womiu na yermene lala. Pona sira tai, wona na yermene pe mlelaga re e Tus Wa poli, yepen mavin yagogonen wona na sira visayu vania, ana visae wona na sira kila lue ga wo vania, pona yoko kilia were mñena naga imi lelaga yo. <sup>2</sup> Visen manenea tañatete taulu yar nene, ana pogos naña visuveve pñelaga na sitomena wa a pñelaga na vatanoena kiena wona sira nene, yoko naga kekaran naña lelaga.

<sup>3</sup> Sira lala, popon avisu kilale naña sane kiamiu purpñes nen nawoena pe vanon re naña avilovilon vilpñarimiu veve tañena poli, pona atelan mrañalela lala, pona ayen kulmrae wo lala. <sup>4</sup> Sur nene, pe komin re naña apaia ruru tasnemi la sanene poli, ana ya naña yoko kila amiu aim awo ruru napo lelaga nane pñelaga wo naña teke loyumña e amiu. Ee, lemamiena naña

malumu a sinemiu naŭa vito ga tano, naga ke na kiamiu nawoena narui, a naga taŭatete imi ve urmarua pog tai, nane ŭelaga ne nanene Ntewa pisu po paŭisi.

<sup>5</sup> Apua sira marua nasumo lala, la mēna kiela ŭelaga la sa ga nene. La aŭasine Ntewa, ana amlelaga asape naga ga kilia iilala aim awo manene e marana a e maran yar taŭena lala. A pogos naŭa ola na yermēne mēna lala apisu naŭa wola na sira la nene apatanon ruru la sanene, apisu po na po. <sup>6</sup> Sira tai naŭa kilakila sanene naga sira marua Sera, naŭa naga kekaran patanon ruru wona yermarua Epraam, pano pano-o pio ke naga sape kiena suŭe. Sira marua Sera nene, tepisu ke naga sane aneta sira marua tanea, ana kam sira na nagane lala, visae asuŭa akila luen ga wo va womiu lala, sa naŭa naga kila, kam na aim ave narina nena napo lala. Pona laŭas amaraun asape sa ŭisi akila ve sa nene va wola na yermēne lala yoko ve sanapen la, ana peraga, monar avatanon la ve sa naŭa Ntewa sinenania.

<sup>7</sup> Ana visena van amiu kam yermēne lala, sape monar asitom urmi manene e womiu na sira lala. Visae yar tai sike uŭa mēna amio wona na sira, monar visu kilale sape naga yermēne, naga mārera manenea, ana wona na sira, naga pe mārera manene re sane naga poli. Monar sitomāl silaga sane Ntewa pe mla re ga malena viu pa yermēne naga taaga poli, ana mla ga pan la luoka, yermēne amio sira la ga luwoka maran taaga.

Ana visae yermēne tai ve m̃arera manene re va wona, ana kiena sitomena vito ga tanonia, malum ruru wo vania, yoko lotena kiena lalua nene ve va map re ga mrapa komsusa, ana yalen silau va tol yo e naṗa Ntewa sike ea.

*Monar avatanon amiu vena kiamiu sitomen la imi ve taaga*

<sup>8</sup> Visen maro tai e lepas nene, nesape popon ala ruru sitomen la ne nepisawal ma meta ne. Kam punu ga, monar am̃areranli naṗa silaga asu ruru amio amiu naṗa kiamiu sitomen la imi ve taaga ga. Sinemiu ye amiu, akekaran naṗa sane kam na ape mratava taaga, awo van amiu, aligan amiu asike sina vatanon amiu. <sup>9</sup> Naga naṗa kila piowa pan ko, ve okila maran re si viowa vania, a naga naṗa viuelin ko, ve oviuelin maran re sina. Visae ya naṗa imi van ko, yoko osum̃a ola ga navisatam̃eena navisa ruruena wo vano. Pelaga wo la ne sanene Ntewa pio itania, vena tela ve sanene silaga, a visae tela navisa ruruena va yar taṗena, yoko Ntewa ligan kiena navisa ruruena sike e kieta malena. <sup>10</sup> Navisaarena la ne sanene sike e Tusi na Yauena la rui, naṗa pisa sanini, sape:

*“Yar naṗa kekaran sape su ruru sum̃a wo e yomar-ava nini, pona sinenan sape kiena malena va wo, ve piavi, monar kilawo visena viowa lala ve molue re kome pulgona, monar visuar ruruia sa naṗa ve visokan re.*

<sup>11</sup> *Monar ligan naviowaena, kila ga wo. Monar m̃areran sum̃are, a monar ṗiyonli naṗa silaga were imi lavisi likan yeririna lala.*

<sup>12</sup> *Suṕe suṃa pisu manene ruru ke yar naṓa kila ke po, ten kiligana pan leniena kien yar wo la ne sanene. Ana la naṓa akila ke piowa, maran m̃arera pan la, p̃ilon ga m̃asina pan la.”* *Yauena 34:12-16*

*Pogos naṓa akila piowa pa yeririna wo kiena ne Ntewa lala*

<sup>13</sup> Visae toṃareranli naṓa tekila ruru sur make ga wo na wo, ve tesitom re tevisave yar laṓas sinela kar ita vanon poli. <sup>14</sup> Pona pogos tai avisu naṓa tesuṃa tekila ke po sa naṓa Ntewa sinenania, ana teilan ga asuṃalu akila kare ita vanonia. Ana visae ve sanene, monar tevisu sane naviowaena nene pe pe sur re tai poli, naga navisa ruruena ga tai naṓa Ntewa mla pan ita. Tekilia tesitoṃal visena na tus kiena ne yermarua navisawalena Aisea, naṓa pisa sanini, sape:

“Yar kiena ne Ntewa, ve sinem̃a kurkur re, ve omaraun re ya naṓa yeririna na yomarava la amaraunia.”

<sup>15</sup> Visena nene sape monar ve temarau re, ana ya naṓa monar tekila, e losineta, monar teligan Kristo ga su metavan sur make ga, naga taaga pe kieta Suṕe. A monar tekila ruru ita silaga, sa naṓa visae naviunena tai imi viun sape komin ya ne temlelaga, komin ya ne toṓasine Yesu, ana monar tekilia ruru ve sanape naṓa yoko tekilia tela navisataṃeena tai naṓa po vano. <sup>16</sup> A visae navisataṃeena vano, monar va amio ga ṓelaga malum, a ṓelaga navatanonen yaru. La naṓa sinelan ke kila kareen la naṓa amlelaga e Kristo,



akilia akoan visen viowa ve moki vim van amiu, ana avisuar amiu, pe pon re si akuan maran si visen viowa la van la poli. Visae akila ve sa nene, siraunia akilia amawan si kiamiu visena m̄arera la nene vaṽisi, a visae amoṽau ga van la, yoko la ga monar amawan si kiela visena m̄arera lala.

<sup>17</sup> Visae Ntewa sinenan sape naloge viowaena kilia vim m̄alivin ita pog tai, pe pon re naloge viowaena nene vim m̄alivi komin ga sur viowa laṽas naṽa ita ga tekila poli. Ana popon manene laa naṽa visae naloge viowaena nene vim m̄alivin ita, komin ga suri wo la naṽa temiyum̄aen ke ne. <sup>18</sup> Asitoṽali Kristo, naga sanene. Naga pe yar mesmes manene laa, ana naga mloge piowa manene paṽisi komin yar viowa lala. Kieta mlamulen viowa ita yeririna na yomarava lala mok liu, ana e kiena marena yam taaga nene kila sur make rui naṽa kila sane kieta mrapa sum̄a naṽa kilia were ita teva lavisin Armata Ntewa. Akila kare m̄a tasnena Yesu sanene pano-o marṽan nenaga, ana po paṽisi naṽa siraunia, naga mal sina e nam̄areraena kiena Ninuna ne Ntewa.

<sup>19</sup> Ana sumon naṽa mal si sanene, naṽa m̄eke e lelen marena naṽa, nam̄areraen kiena Ninuna ne Ntewa pimi pulemamaga ea, kila naga pa mlologon meraravan pa ninuna taṽena la naṽa asike e nene, sape nagane Ntewa taulu la narui, ana Yermare naga kila ṽele nena yonia. <sup>20</sup> Ninuna la nene, nane yeririna sur la naṽa yepel mavin Ntewa, sane la nanua e pogos kiena ne yermarua Noa. E pogos nene Ntewa sum̄ate la ke sape avilon la, mla pog piavi pan la. La

asumã ga sane, Noa miyumãen m̃a kiena pupia waa nene, ana pe asitom re nenaga, ana pogos naãa womie pulemamaga la atalilu. La mok naãa akovio e pogos nene, ana yar la lua la ga naãa amal asike e pulu waa, nane Noa ga la orelu nene.

<sup>21</sup> Ana pupia wii naãa kus la amal e kiela waa nene, naga kana kinasnena ya ne pan ita nagane? Naga kila tesitomãal si wii taãena, wii na tamalia itaena, nane wii naãa akee ita ea. Wii nakeena na nene, naga pe kila re sa naãa yepeta la mekik poli, ana kiar ruru ita sape Ntewa piëwo kieta mlamulen viowa lala, ana ve temawan re sina vania.

Nakeena naga mligan kieta malena tesu ruru tesike temio Ntewa narui, ana popon tesitomãal m̃ena tesape ane kila kieta mrapa sanene? Yesu Kristo ga kila, pimi kome kiena nasumãalen si petan marena. <sup>22</sup> A siraun nene, ãasuãe si pa ma e peni, pa totano teke amio Ntewa e limana marua ma metava, naãa navisi lala, a pupia yerkawa lala, amio m̃areraena lala, la make ga asike vatanon kiena navesuãenena.

## 4

*Nasinenanena kiena ne Ntewa naga su ães e kieta malena*

<sup>1</sup> Sa naãa nepisa rui, Kristo naga tamãan naãa ãar naloge viowaena la moki e yepena, ana ita m̃ena ga monar tekila kieta sitomena ve sa ke ga nene. Yar naãa tasnena mloge piowa, ve visa re visave viowa, komin naãa visae naga va warpo yo e naloge viowaen ta sanene, kilia kila naga

m̃arera manene laa sane, vena liganen p̃elaga na mlamulen viowa lala. <sup>2</sup> Yar sur na sanene, naga pe pa manene re si e kiena malena na yomarava nini poli, naṣa sinenanena viowa na p̃elaga kiena ne yeririna imi ve keviu manene e kiena sitomena, ana naga sitom ga sur mesmesu la naṣa Ntewa sinenania. <sup>3</sup> Kieta malena, naṣa tekila kare komṣas keviu pa rui, naṣa tesuṃa tetelivi ke ga temio erau la naṣa pe amlelaga re poli. Ita temio la e malena viowa naṣa pule e nakila maneneen p̃arita, na wereen sira lala, na mun maneneen wii pano tepe wowe, na veveyuena a na kilaen mara, na kilaen m̃aagena kar la pano-o yemlagi, nakilaroen navisaluaen lala, amio nalotunen nono lala.

<sup>4</sup> Nane kieta malena ke na sumo narui, ana nagane, kieta erau nene amninue asape ita na sanape narui. Añal naṣa pe sinetan re si taveve laen poli vena kieta malena talilu e pulmaran kiela sukoṣene, ana pe akekaran re nenaga, kila sinela kar ita paṣisi. <sup>5</sup> Ana ve tesitom re suria, yar sur la ne sanene yoko asuṃalu ase marana ne naga naṣa yoko liṣere yar mal lala amio m̃ena yar la naṣa amarmare rui. Yoko monar avisawal kiela sur la vania, ana e pogos nene narui, yoko avisu kilale kiela napiowaena lala. <sup>6</sup> Ana taṣatete ve sanene va nalelagaena lala. Pona yar na yomarava la aliṣerela ala nakoena na yomarava van tasnela, kilia va tol naṣa akilalu kiela malena. Ana pogos naṣa asuṃalu ase marana ne Ntewa, yoko naga la nalaena na malena van ninula. A malena ne nane pe pupia sur naṣa kila tesuṃa temlologon

ke lologena wo van yaru lala.

*Pelaga kiena li nalelagaena lala e pogos naþa legiena maro pimi ke lavis*

<sup>7</sup> Nesape nevisa sanini, sane lavis tetol luas nen sur make narui. E pog na sanene, nalelagaena lala monar asm̃al ruruia naþa kiela sitomen la ekik ruru wo, vena ve aursulan re leniena. <sup>8</sup> A metavan sur taþena make ga, monar asitom manene la si vaþisi, komin naþa visae tesitom yar tai, kila sa naþa meme ga na viewoen kiena mlamulen viowa lala. Visena tai pisa sanene rui, sape mlamulen viowa mok liu, ana nasinesiena kilia kalo la make ga. <sup>9</sup> Sur taþena, li nalelagaena lala la monar akekaran ga naþa avisuar la sina e m̃ala um̃a. <sup>10</sup> A la make m̃ena lala monar akilia ruru nam̃areraena amio nakiliaena taþena taþena lala naþa Ninuna mla pan la, monar ayum̃ae ruru amio vena iilaen kiela erau taþena lala. Visae avisuar ruruia, akilia akila naþa yoko lemamiena wo kiena ne Ntewa imi warpo yo e la. <sup>11</sup> Yar naþa nakiliaena na visena teke ea, naga monar vis ruruia sa ga naþa visen kiena ne Ntewa ga lelaga sum̃a þar wowo ke e pulgona. Yar naþa nakiliaen naiilaen yum̃aena sike ea, naga monar kila wo amio nam̃areraen make ga naþa Ntewa mla pania. Visae silaga tekila make sur wo ve sa nene, yoko yar make akilia aieluar Ntewa vanonia, aieluar naga komin kia kiena ne Yesu Kristo, naþa naurarena make ga a nam̃areraen make ga ape kiena ga vano vano ve uro re.

*Naloge viowaena kiena ne li nalelagaena lala*

<sup>12</sup> Erau lala, nekilia nesape nagane apane ke pog na loge viowaena tai naþa kila amloge piowa paþisi. Ana sineun nesape nevisa van amiu, sa naþa ve ailan manene re, ve avisu re sur nene sane sur tai naþa asitom ke asape taþatete imi m̃alivin amiu pog tai yo. <sup>13</sup> Ana ya ga naþa akila, akekaran ga naþa akilia ave þegas amio Kristo e kiena naloge viowaena lala. Visae sanene, yoko siraunia, pupia kekarena vaþisi van amiu, naþa akilia ave þegas si amio e pogos naþa imi m̃aliv amio kiena naurarena. <sup>14</sup> Visae taþena la akilia asape kia kiena Kristo sike e ko, yoko akilia akoven viuelen viowa la imi, ana ve ositom manene re. Yoko pupia navisa ruruena sulue ga e ko, komin naþa Ninuna ne naurarena kiena ne Ntewa nae ma e peni sike e kioṃa malena. <sup>15</sup> Visae ala nakoena tai pona naloge viowaen tai imi van ko, pe pon re akila komin naþa asape ko na yar na weṃaren yaru, pona ope yar na vinauena, pona ope yar na kilaroen navisaluaena, pona ope yar na kilaen viowa yo.

<sup>16</sup> A visae akila komin ga naþa akilia asape ko na omlelaga ke e Kristo, ve okila re sane omawa, ana monar oyeluar Ntewa naþa pisu ko ke sape ko na otoroki naþa kia kiena ne Yesu Kristo sike e ko.

<sup>17</sup> Nagane, pogos na liþereena siar ke rui, a yoko va ṃa tol þesan mratava ṃana ne Ntewa. A tepisu naþa naga kilia taṃan pog ṃarera laþasia warpo yo e malena kiena narina lala, ana visae kila ve sa nene va la naþa amlelaga, teminue kare narui aṃa yoko ve sanapen la naþa pe sinelan re logearen kiena Lologena Wo

poli. <sup>18</sup> Nanene na sane visena tai na Tus marua na Visena na Manmaruaena naña pisa sanini, sape:

*“Yar naña asitom asape naga mesmas rui, pe sur m̃arera tai naña Ntewa kilia tamalia.”*

*Pakaiwa 11:31*

Ana visae ve sanene, ositomyuli yar la naña yepel mavin Ntewa, la ape yar na mlamulen viowa ga narui. Yoko ve sanapen la?

<sup>19</sup> Pogaga, e nene nevisa narin visen tai van amiu naña Ntewa tañan naloge viowaena pimi m̃alivin amiu. Nesape asum̃a akilakila ga wo van yeririna make ga, a asum̃a aligan kiamiu malena sike e limana Ntewa. Naga pe Ntewa naña sii make suria, naga pe Ntewa naña masisun ruru sur make ga, a naga pe Ntewa naña tekilia towasine ruru naga silaga.

## 5

### *Visena pa pa nasumonen lala*

<sup>1</sup> Pogaga, nagane sineun nesape nevisawal sitomena lañasia van amiu nasumonen lala na sum̃are. Nesitom nesape netorokin nevis van amiu sanene, komin naña in m̃ena nepe nasumonena, a metavana, in m̃ena tai naña nepisu Kristo e kilamarau, pogos naña kus ke naloge viowaena metava e lak torovia. Ana nekilia ruru nesape in m̃ena tai naña yoko nesike loyuma e naurarena la naña yoko imi sirau, nane nepisu sane popon nekila visen la nene vena iila amiu. <sup>2</sup> Neviun manene tan amiu

sanini, nesape monar avisuar ruru ðegas nen sipsip la naþa Ntewa mligan sike vatanon kiamiu navisuarena. Nanene na yumãen tai naþa keviu paþisi, ana lelaga, pe pon re visae akila naþa pe sinemiun re nakilaena poli. Ana popon akila ga amio sitomena naþa kekaren nakilaena, sa naþa Ntewa sinenania. Ana yumãena ya naþa akila, ve akila re ga komin narin nalaen tai naþa yoko alavia, ana akila ga komin naþa narin sitomen tai teke e amiu sape akila vena iilaen yar taþena lala. <sup>3</sup> A la naþa asike e limamiu vena avisuar la, ve akila re naþa akilali awarar manene laa, ana monar asumon ruru la, avian la e mrapa, ana akilia ataveve lelen lamiu. <sup>4</sup> Visae ayumãe mña sanene vano, yoko þar na visuaren sipsip kiena ne Ntewa yoko kekaran amiunia. Pogos naþa imi mñaliv sina, yoko visir plan amiu sane kiena þarin suþe lala, yoko vaia ruru amiu naþa kiena pupia navilavilaena naurarena vila e amiu naþa tapatete si vito tano pog tai.

### *Visena pa yar taþena lala*

<sup>5</sup> Nagane visena imi van amiu kam mñee lala. Nepiun manene pan amiu nesape monar akekaran naþa avatanon kiamiu yermarua lala a kiamiu nasumonena lala. Visen la ne sanene kam punu ga monar alavia, komin naþa popon silaga tekila þelaga na vatanoena van ita. Nanene sane visena tai na Tusi na Manmaruaena tai pisa nanua laa rui, naþa sape

*“Ntewa pisaluþar þelaga na vilaveena, ana miila þelaga na vatanoena.” Pakaiwa 3:34*

<sup>6</sup> Sanene, popon tekila kieta sitomena su lue ga vatanon Ntewa. Teligan ita e limana, ana e kiena m̄areraena yoko kilia visirlua ita si pogos tai. <sup>7</sup> Teligan kieta naurmiena la sike e m̄asina, komin naga sitom ita paṣisi, sinenan sape iila ita.

### *Avisaluṣar Yermare*

<sup>8</sup> Nesape nevisa m̄ena visena na weṣege ami- uena tai, sane monar avisuar ruru amiu, monar avisu kilale towe laa mrapa. Kieta nasinekar naṣa Yermare, naga telivwo ita lue ga, naga sane pupia sur mal tetan tai naṣa sane visokarian manene laa nalelagaena lala, visae suṃalun la karwowa kare la vitolwowa la vaṣisi. <sup>9</sup> Ana ve ataṃan re kila sanene, monar asuṃal m̄arera e kiamiu naviawaena vena avisaluṣar ruru naga. Pe kam re ga naṣa naga suṃa kilali amiu ke poli, ana akilia rui sane kieta erau taṣena la mok liu teliv e yomarava nini piora, naloge viowaena la pimi m̄alivin la ke m̄ena ga, ana popon ita make ga tesuṃal m̄arera vena Yermare ve taulu re ita yar tai. <sup>10</sup> Lelaga naṣa asuṃa amloge piowa towe laa e pogos nene, ana kieta Ntewa nalemamiena make ga yoko iila amiu. Naga ke narui naṣa mligan plan amiu rui vena yoko amiu amio Kristo loyumu e kiena pupia naurarena, a naga ke narui yoko ligam ruru amiu sina nagane. Yoko sinemiu ve kurkur re, yoko ve akulul re, ana e kiena nam̄areraena, yoko akilia aviawa ruru sina. <sup>11</sup> Nane, teyeluar kieta Ntewa nene, komin kiena nam̄areraena suṃa taulu make suria, a



yoko suũa taulu vano-o tařatete řisi pog tai, sanene narui.

*Visena maro*

<sup>12</sup> Nesike e nini nemio kieta puruvi wo nařa Saelas, nořasine ke naga e sur moki, a naga miila inu sirilua kiamiu maki nene. Nekilia nesape maki nene plas laa ga, nepis ve tokak ga, ana ya nařa sike ea, nekilia nesape pisawal ruru řelaga wo tanea lala na lemamiena kiena ne Ntewa pe lelaga, nařa torokin amiu nařa asike e nagane. Ve sanene, auloia, alavia vena iilaen kiamiu sitomen lala, silaga asuũalu mārera ase ea.

<sup>13</sup> Lala na suũare nae nini Rom, amio mēna Mak, nařa nemla naga sa ga naru narui, apisa po kolulag pona pokolemalo pan amiu. Mesike e nini, mepisu piowa towe ga, memloge sane mesike e pupia pulkumali viowa nasumo nařa asape Papiion. Ana naga pogaga, komin nařa mekilia mesape Ntewa mligan plan imimi nařa memio amiu, ita teve kiena.

<sup>14</sup> Nevisa maron sanini, nesape pogos nařa aim lele taaga, aworworun amiu, amun pipimiu sa nařa akekaran ruru amiu.

Ana kiau leniena sa nařa suũaarena wo kiena ne Yesu Kristo sike make amio amiu nařa ape kiena.

Inu, Pita.

**Lologena Wo Kienane Yesu Kristo Kome  
Kewo  
The New Testament in the Lewo Language of Epi  
Island, Vanuatu  
Le Nouveau Testament en Lewo langue de l'île d'Épi  
au Vanuatu — Niutestamen long Lewo lanwis, blong  
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

---

PDF generated using Haiola and XeLaTeX on 11 Nov 2022 from source files dated 22 Nov 2019

ee028e1c-7e53-571d-8041-681daaf580e8